


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-25	Al-Furqaan	77	6	Makkiyyah	Ke-42	5



Zaman Diturunkan

Surah al-Furqaan diturunkan bersama Surah al-Mu'minin di peringkat ketiga kehidupan Rasulullah s.a.w. di Mekah antara tahun ke-6 hingga ke-10 Kenabian. Ia diturunkan selepas Sayyidina 'Umar memeluk agama Islam (Zul Hijjah 6 Kenabian). Kira-kira pada tahun ke-7 Kenabian, ketika itu tuduhan-tuduhan seperti kena sihir, pendusta dan macam-macam lagi dilemparkan kepada Rasulullah s.a.w. Di dalam surah ini terdapat jawapan-jawapan kepada tuduhan mereka terhadap Rasulullah dan Qur'an. Pada ketika itu juga para sahabat yang baru memeluk agama Islam mendapat pendidikan al-Qur'an melalui Rasulullah s.a.w. Di dalam surah ini Rasulullah s.a.w. dikatakan sebagai pemberi ancaman kepada seluruh dunia, di masa itu juga Surah al-Anbiya' dan Surah al-Mu'minin diturunkan.

Perkaitan Surah Al-Furqaan Dengan Surah Sebelum Dan Selepasnya

1. Di dalam Surah al-Mu'minin dinyatakan sifat-sifat lengkap orang mu'min yang berjaya, di dalam surah ini sifat-sifat mereka dinyatakan sebagai sifat-sifat hamba-hamba tuhan Ar-Rahman. Seruan Rasulullah yang disebutkan di dalam Surah an-Nuur dibuktikan kebenarannya berdasarkan dalil-dalil di dalam Surah al-Furqaan ini.
2. Di dalam Surah an-Nuur, tuduhan-tuduhan tidak berasas terhadap isteri Rasulullah s.a.w. atau sahabat wanita yang lain ditolak dengan kata هَذَا بُهْتَانٌ عَظِيمٌ. Di dalamnya juga terdapat larangan daripada menuduh dan memfitnah perempuan-perempuan yang mulia. Di dalam Surah al-Furqaan ini pula dikemukakan penolakan terhadap tuduhan-tuduhan yang tidak berasas oleh orang-orang kafir terhadap peribadi Rasulullah s.a.w.

Beberapa Kata Kunci Dan Tema Utama Surah

1. Di dalam Surah al-Furqaan terdapat tiga ayat yang dimulakan dengan perkataan تَبَارَكَ

تَبَارَكَ bererti Maha berkat.

(a) Antara dalil keberkatan Allah yang melimpah-ruah ialah adanya al-Qur'an itu sendiri (Ayat: 1).

تَبَارَكَ الَّذِي نَزَّلَ الْفُرْقَانَ عَلَى عَبْدِهِ لِيَكُونَ لِلْعَالَمِينَ نَذِيرًا ۝١

(b) Dalil kedua keberkatan dan limpah kurnia Allah ialah sistem alam ciptaan Allah yang terdiri daripada bulan, matahari dan lain-lain (Ayat: 61).

تَبَارَكَ الَّذِي جَعَلَ فِي السَّمَاءِ بُرُوجًا وَجَعَلَ فِيهَا سِرَاجًا وَقَمَرًا مُنِيرًا ۝٦١

(c) Dalil ketiga bagi luasnya keberkatan dan limpah kurnia Allah ialah adanya ni'mat-ni'mat yang disediakan di akhirat berupa syurga dan singgahsana-singgahsana mewah yang terdapat di dalamnya (Ayat: 10).

تَبَارَكَ الَّذِي إِنْ شَاءَ جَعَلَ لَكَ خَيْرًا مِنْ ذَلِكَ جَنَّاتٍ تَجْرِي مِنْ تَحْتِهَا الْأَنْهَارُ وَيَجْعَلُ لَكَ فُصُورًا ﴿١٧﴾

2. Di dalamnya juga tersebut tanggungjawab-tanggungjawab Rasulullah.

(a) Rasulullah adalah pemberi ancaman kepada seluruh penduduk dunia (Ayat: 1).

تَبَارَكَ الَّذِي نَزَّلَ الْفُرْقَانَ عَلَى عَبْدِهِ لِيَكُونَ لِلْعَالَمِينَ نَذِيرًا ﴿٥٦﴾

(b) Rasulullah diutuskan hanya sebagai نذير (pengancam) dan بشير (pemberi berita gembira) (Ayat: 56).

وَمَا أَرْسَلْنَاكَ إِلَّا مُبَشِّرًا وَنَذِيرًا ﴿٥٧﴾

(c) Rasulullah s.a.w. tidak meminta apa-apa balasan dan upah bagi segala khidmat yang diberikannya (Ayat: 57).

قُلْ مَا أَسْأَلُكُمْ عَلَيْهِ مِنْ أَجْرٍ إِلَّا مَنْ شَاءَ أَنْ يَتَّخِذَ إِلَىٰ رَبِّهِ سَبِيلًا ﴿٥٨﴾

(d) Di dalam surah ini juga diberikan jawapan terhadap kritikan-kritikan berhubung dengan kemanusiaan Rasulullah, antaranya ialah dikatakan bagaimana ia menjadi Rasul? Dia pun makan minum dan berjalan-jalan di pasar seperti orang-orang lain (Ayat: 7).

وَقَالُوا مَالِ هَذَا الرَّسُولِ يَأْكُلُ الطَّعَامَ وَيَمْشِي فِي الْأَسْوَاقِ

Sebagai jawapannya dikatakan sekalian rasul-rasul terdahulu juga manusia, mereka juga makan, minum dan berjalan-jalan di pasar (Ayat: 20)

وَمَا أَرْسَلْنَا قَبْلَكَ مِنَ الْمُرْسَلِينَ إِلَّا إِنَّهُمْ لَيَأْكُلُونَ الطَّعَامَ وَيَمْشُونَ فِي الْأَسْوَاقِ

3. Tujuan al-Qur'an diturunkan.

(a) al-Furqaan iaitu al-Qur'an diturunkan kepada Muhammad untuk memberi ancaman dan peringatan kepada penduduk seluruh dunia (Ayat: 1).

تَبَارَكَ الَّذِي نَزَّلَ الْفُرْقَانَ عَلَى عَبْدِهِ لِيَكُونَ لِلْعَالَمِينَ نَذِيرًا ﴿٥٦﴾

(b) Rasulullah s.a.w. diarahkan supaya jangan berasa tertekan dengan tindakan-tindakan orang-orang kafir, Baginda diperintah meneruskan kerja da'wah sebagai suatu jihad yang besar menerusi ajaran al-Qur'an (Ayat: 52).

فَلَا تُطِعِ الْكَافِرِينَ وَجَاهِدْهُمْ بِهِ جِهَادًا كَبِيرًا ﴿٥٩﴾

(c) Allah s.w.t. menyatakan sebagai cabaran kepada sesiapa saja supaya mengemukakan kitab seperti al-Qur'an dan dikatakan tiada siapa pun akan mampu membawa seumpamanya (Ayat: 33).

وَلَا يَأْتُونَكَ بِمَثَلٍ إِلَّا جِئْتُكَ بِالْحَقِّ وَأَحْسَنَ تَفْسِيرًا ﴿٥٠﴾

(d) Peringatan dan nasihat di dalam al-Qur'an diberikan dengan pelbagai cara dan gaya bahasa untuk memahamkan orang-orang yang tidak menerima Islam. Cara seperti itu dipanggil *تصريف القرآن* (Ayat: 50).

وَلَقَدْ صَرَّفْنَاهُ بَيْنَهُمْ لِيَذَّكَّرُوا فَأَبَى أَكْثَرُ النَّاسِ إِلَّا كُفُورًا ﴿٥١﴾

4. Kritikan dan bantahan orang-orang musyrikin Mekah

(a) Di dalam surah ini bantahan dan kritikan orang-orang musyrikin dikemukakan dengan lafaz *وَقَالَ الَّذِينَ*. Salah satu kritikan mereka ialah al-Qur'an adalah dusta, ia direka oleh Muhammad, untuk menyiapkannya, ada satu kumpulan orang yang membantunya (Ayat: 4).

وَقَالَ الَّذِينَ كَفَرُوا إِنَّ هَذَا إِلَّا إِفْكُ افْتَرَاهُ وَأَعَانَهُ عَلَيْهِ قَوْمٌ آخَرُونَ

(b) Kritikan kedua mereka ialah kenapa Allah tidak menurunkan para malaikat sebagai rasul dari sisiNya?

(c) Kritikan yang ketiga mereka ialah kenapa kita tidak dapat melihat Allah (Ayat: 21).

وَقَالَ الَّذِينَ لَا يَرْجُونَ لِقَاءَنَا لَوْلَا أُنْزِلَ عَلَيْنَا الْمَلَكُتُكُ أَوْ نَرَى رَبَّنَا

(d) Kritikan keempat mereka ialah kenapa al-Qur'an tidak diturunkan sekaligus semua sekali? Kenapa ia diturunkan secara beransur-ansur? Sebagai jawapan kepada kritikan ini dikatakan tujuan ia diturunkan beransur-ansur begitu ialah untuk menetapkan hati Rasulullah (Ayat: 32).

وَقَالَ الَّذِينَ كَفَرُوا لَوْلَا نُزِّلَ عَلَيْهِ الْقُرْآنُ جُمْلَةً وَاحِدَةً كَذَلِكَ لِيُثَبِّتَ بِهِ فُؤَادَكَ وَرُؤُونَهُ تَرْتِيلًا ﴿٣٢﴾

(e) Rasulullah s.a.w. juga dituduh telah mereka al-Qur'an, Bagindalah yang mengada-adakannya (Ayat: 4).

وَقَالَ الَّذِينَ كَفَرُوا إِنَّ هَذَا إِلَّا إِفْكُ افْتَرَاهُ وَأَعَانَهُ عَلَيْهِ قَوْمٌ آخَرُونَ

(f) Antara kritikan mereka lagi ialah kenapakah Nabi s.a.w. tidak dikurniakan kekayaan? (Ayat: 8).

(g) Antara kritikan mereka lagi ialah kenapa Rasulullah s.a.w. tidak dikurniakan kebun? (Ayat: 8).

(h) Antara kritikan mereka lagi ialah mereka mengatakan Nabi s.a.w. adalah seorang yang terkena sihir (Ayat: 8).

أَوْ يُلْقَىٰ إِلَيْهِ كَنْزٌ أَوْ تَكُونُ لَهُ جَنَّةٌ يَأْكُلُ مِنْهَا وَقَالَ الظَّالِمُونَ إِن تَتَّبِعُونَ إِلَّا رَجُلًا مَّسْحُورًا ﴿٨﴾

(i) Antara kritikan dan tuduhan mereka terhadap Rasulullah lagi ialah Rasulullah akan membuatkan kita

terpesong dan meninggalkan tuhan-tuhan kita, oleh itu kita hendaklah bersabar menghadapinya (Ayat: 42).

إِنْ كَادَ لَيُضِلَّنَا عَنْ آلِهَتِنَا لَوْلَا أَنْ صَبَرْنَا عَلَيْهَا

(j) Satu lagi tuduhan dan kritikan mereka terhadap al-Qur'an dan Rasulullah ialah al-Qur'an tidak lebih dari sebuah buku yang mengumpulkan dongeng-dongeng zaman dahulu, Muhammad telah menyuruh seseorang menuliskan dongeng-dongeng itu kepadanya di waktu pagi dan petang (Ayat: 5).

وَقَالُوا أَأَسْطِيرُ الْأَوَّلِينَ أَكُتِّبَتْهَا فِي ثَمَلٍ عَلَيْهِ بُكْرَةً وَأَصِيلًا ٥

5. Jenayah-jenayah kaum musyrikin Mekah.

Orang-orang musyrikin Mekah beribadat kepada الله مِنْ دُونِ yang tidak dapat memudharatkan mereka dan tidak juga dapat memberi manfaat (Ayat: 55).

وَيَعْبُدُونَ مِنْ دُونِ اللَّهِ مَا لَا يَنْفَعُهُمْ وَلَا يَضُرُّهُمْ وَكَانَ الْكَافِرُ عَلَى رَبِّهِ ظَهِيرًا ٥٥

(b) Orang-orang musyrikin Mekah tidak percaya kepada hari kiamat (Ayat: 11).

بَلْ كَذَّبُوا بِالسَّاعَةِ وَأَعْتَدْنَا لِمَنْ كَذَّبَ بِالسَّاعَةِ سَعِيرًا ١١

(c) Orang-orang musyrikin Mekah tidak percaya akan bertemu dengan tuhan di akhirat nanti (Ayat: 21).

لَا يَرْجُونَ لِقَاءَنَا

(d) Orang-orang musyrikin tidak percaya akan hidup kembali setelah mati (Ayat: 40).

كَأَنَّهُمْ لَا يَرْجُونَ نُشُورًا ٤٠

(e) Orang-orang musyrikin Mekah adalah sombong, angkuh dan degil (Ayat: 21).

لَقَدْ اسْتَكْبَرُوا فِي أَنْفُسِهِمْ وَعَتَوْا عُتُوًّا كَبِيرًا ٢١

(f) Orang-orang musyrikin Mekah adalah penjenayah, mereka adalah musuh Rasulullah s.a.w. (Ayat: 31).

وَكَذَلِكَ جَعَلْنَا لِكُلِّ نَبِيٍّ عَدُوًّا مِنَ الْمُجْرِمِينَ

(g) Orang-orang musyrikin Mekah selalu memperolok-olokkan Rasulullah, mereka berkata: "Oh! Inikah orangnya yang Allah utuskan sebagai Rasul?" (Ayat: 41).

وَإِذَا رَأَوْكَ إِذَا يَتَخَذُونَكَ إِلَّا هُزُوًا أَلَيْدَى بَعَثَ اللَّهُ رَسُولًا ٤١

(h) Di hari kiamat nanti الله مِنْ دُونِ akan ditanya: "Adakah kamu telah menyesatkan hamba-hamba Allah

atau mereka sendiri yang menjadi sesat?" (Ayat: 17).

وَيَوْمَ يَحْشُرُهُمْ وَمَا يَعْبُدُونَ مِنْ دُونِ اللَّهِ فَيَقُولُ ءَأَنْتُمْ أَضَلَلْتُمْ عِبَادِي هَٰؤُلَاءِ أَمْ هُمْ ضَلُّوا السَّبِيلَ ﴿١٧﴾

(i) Ketua-ketua kafir Quraisy Mekah telah menjadikan hawa nafsu mereka sebagai tuhan. (Ayat: 43).

أَرَأَيْتَ مَنِ اتَّخَذَ إِلَٰهَهُ هَوَاهُ

(j) Orang-orang yang diterima oleh musyrikin Mekah sebagai tuhan tidak dapat mencipta apa pun, mereka juga tidak dapat memberi faedah atau bahaya sedikit pun, mereka tidak dapat menghidupkan dan mematikan, mereka juga tidak mempunyai kuasa untuk menghidupkan kembali orang mati. (Ayat: 3?)

وَاتَّخَذُوا مِنْ دُونِهِ ءَالِهَةً لَا يَخْلُقُونَ شَيْئًا وَهُمْ يُخْلَقُونَ وَلَا يَمْلِكُونَ أَنْفُسَهُمْ ضَرًّا وَلَا نَفْعًا وَلَا يَمْلِكُونَ مَوْتًا وَلَا حَيَٰةً وَلَا نُشُورًا ﴿٣﴾

6. Manusia diberikan kebebasan memilih, sesiapa yang mahu dia boleh memilih jalan orang yang bersyukur kepada Allah.

(a) (Ayat: 57).

مَنْ شَاءَ أَنْ يَتَّخِذَ إِلَٰهًا فَإِلَىٰ رَبِّهِ سَبِيلًا ﴿٥٧﴾

(b) (Ayat: 62).

لِمَنْ أَرَادَ أَنْ يَذَّكَّرَ أَوْ أَرَادَ شُكُورًا ﴿٦٢﴾

7. Beberapa arahan dan perintah kepada Rasulullah

(a) Rasulullah s.a.w. diperintah supaya tidak tunduk sama sekali di hadapan orang-orang kafir (Ayat: 52).

فَلَا تُطِيعِ الْكَافِرِينَ

(b) Rasulullah diperintah supaya melaksanakan jihad besar dengan menyampaikan da'wah menerusi al-Qur'an (Ayat: 52).

وَجَاهِدْهُمْ بِهِ جِهَادًا كَبِيرًا ﴿٥٢﴾

(c) Rasulullah s.a.w. diperintah supaya bertawakkal kepada Allah semata-mata pada ketika menghadapi kesukaran. Allah tidak mempunyai sebarang kekurangan dan ke'aiban dan tidak mati (Ayat: 58).

وَتَوَكَّلْ عَلَى الْغَنِيِّ الَّذِي لَا يَمُوتُ

(d) Rasulullah s.a.w. diperintahkan supaya bertasbih memuji Allah yang bermaksud mengakui kesucian tuhan daripada segala kekurangan dan ke'aiban (Ayat: 58).

وَسَيُخَيِّرُ مُحَمَّدٌ^{٥٦} وَكَفَى بِهِ بِذُنُوبِ عِبَادِهِ خَبِيرًا ۝